



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

5

u-11

04 MAY 2010

5
U-11

2.


Ս. Ս.

Բ Ն Ա Գ Ի Տ Ա Կ Ա Ն

Ջ Ր Ո Յ Ց Ն Ե Ր

№ 1.

Յ Ա Ռ Ա Ջ Ա Բ Ա Ն.



Ը Ա Գ Ո Ւ.

Տղարան Յ. Գ. Գիւլապարեանի.

1902.

W 729 $\frac{5}{0-11}$

13 MAY 2005

$\frac{530}{96-U}$

u

U. U.



Բ Ն Ա Գ Ի Տ Ա Կ Ա Ն

Ջ Ր Ո Յ Ց Ն Ե Ր

№ 1.

Յ Ա Ռ Ա Ջ Ա Բ Ա Ն.



Բ Ա Գ Ո Ւ.

Տպարան Յ. Գ. Գիլքրասարեանի.

1902.

25 JUL 2013

2005 YAM E I

188

000
1-10

Дозволено Цензурою 20 февраля 1902 г., Тифлисъ.

9653

Մենք դրուած ենք այս աշխարհի մէջ, և մեր կեանքը անց է կենում շարունակ ընդհարումների մէջ, այս աշխարհի հետ:

Ընդհարումների պատճառը գոյութեան խնդիրն է:

Օրինակ՝ մինչև որ մենք մեր սնունդի կարևոր հացը ստանանք, մենք պէտք է գետինը հերկենք, սերմենք, հնձենք և այլն: Մինչև գութանի պատրաստելը, մենք պէտք է երկրից հանենք երկաթահանքը և նրանից դարբենք գութանի երկաթի մասերը: Պէտք է անտառից կրտրենք փայտը և շինենք նրա փայտի մասերը և այլն: Մի խօսքով՝ մեր գոյութեան պահպանութիւնը պահանջում է մեզանից, որ մենք մշտական ընդհարումների մէջ լինենք աշխարհի առարկաների հետ:

Այդ ընդհարումները հետզհետէ զարգացրել են մեր մէջ մեր գիտակցութիւնը: Գիտակցութեան շնորհիւ մենք հետզհետէ սկսել ենք ծանօթանալ աշխարհի առարկաների և երևոյթների

հետ: Քանի գիտակցութիւնը աւելի է զարգացել, այնքան էլ այդ ծանօթութիւնը խոր և հիմնաւոր է եղել, իսկ առարկաների և երևոյթների հիմնաւոր ծանօթութիւնը մեզ պարզկեցել է աւելի բարեկեցիկ կեանք:

Ուրեմն մարդու բարեկեցիկ կեանքը կախուած է առարկաների և երևոյթների հիմնաւոր ծանօթութիւնից:

Առարկաների և երևոյթների ծանօթութիւնը լինում է *դիտողութեամբ* և *եզրակացութեամբ*:

Գիւղացին հերկում է դաշտը արօրով: Պատահում է, որ մի անգամ արօրի ծայրը աւելի երկար է լինում, քան սովորական արօրինը, և աւելի խոր է ակօսում երկիրը: Հունձը վերայ հասնելու ժամանակ գիւղացին նկատում է, որ այս տարի հասկերը աւելի լիքն են և ծղօտները աւելի երկար, չը նայելով որ եղանակը միևնոյնն է եղել, ինչ որ անցեալ տարի: Այս բանը առիթ է տալիս նրան մտածելու պատճառի մասին: Երկար մտածելուց յետոյ նա վերջապէս գտնում է, որ այս տարուայ նրա աշխատանքի մէջ միակ տարբերութիւնը այն է, որ այս անգամ արօրի ծայրը մի քիչ երկար լինելով, երկիրը աւելի խոր է ակօսել, քան անցեալ տարի: Միթէ ուրեմն սա է պատճառը: Որպէս զի ստուգի ճշմարտութիւնը, հետեւեալ տարի ակօսում է նոյն արօրով: Արտը երբ հասունանում է, նա ուրախութեամբ

նկատում է, որ այս տարի բերքը նոյնպէս լաւ է եկել, ինչպէս անցեալ տարի:

Գիւղացին ուրեմն կատարեց մտածողութեան երկու տեսակ գործողութիւն — *դիտողութեան* և *եզրակացման* գործողութիւն: Նա դիտեց բերքի համեմատաբար լաւ լինելը, որը առիթ տուեց նրան եզրակացնել, թէ այստեղ մի պատճառ պիտի լինի: Անցեալի դիտողութիւնները ապա յիշեցրին նրան, որ կարող է այստեղ տարուայ եղանակի բարեյաջող լինելը նպաստաւոր լինել: Բայց եղանակը այս տարի նոյնն էր, ինչ որ անցեալ տարի: Եւ ահա նա եզրակացնում է, որ եղանակը չէր կարող պատճառ լինել: Վերջապէս նա գիտում է, որ այս տարի երկիրը աւելի խոր է ակօսել, քան անցեալ տարի, և դրանից եզրակացնում է, որ ամենահաւանական պատճառը այդ պիտի լինի: Հետեւեալ տարի փորձ է անում նա և գալիս է վերջնական եզրակացութեան, համոզուելով, որ յիշաւի—առատ բերքի պատճառը երկրի խոր ակօսելն էր:

Առարկաների և երևոյթների դիտողութեան և դրանից հանած եզրակացութեան ժամանակ, եթէ չը պատահէին ծանօթութեան սխալ դէպքեր, այն ժամանակ գոյութիւն չէր ունենալ որևէ մոլորութիւն կամ նախապաշարմունք: Իսկ մոլորութիւնը և նախապաշարմունքը, յայտնի է, որ մարդկային կեանքի ամենաոխերիմ թշնամիներն

են: Ի՞նչ չափք ասէք, որ մոլորութիւնից կամ նախապաշարմունքից չը առաջանայ: Ի՞նչպէս անել ուրեմն, որ առարկաների և երևոյթների ծանօթութիւնը սխալ չը կատարուի: Կասկած չը կայ, որ մենք պէտք է դիտողութեան և եզրակացութեան մի շարի ունենանք, մի այնպիսի շափ: որը մեզ հեռու պահէր սխալներից:

Մի արհեստաւոր շափում է աչքով մի տարածութիւն. նա ասում է, որ այդ տարածութիւնը երկու սաժեն և երկու արշին է, և կրտրումէ նոյն աչքի շափով մի տախտակ: Կտրուած տախտակը դնելով տարածութեան վերայ, նա տեսնում է, որ տախտակը կարճ է կտրել: Այս անգամ առնում է նա շափը և գտնում է, որ տարածութիւնը ո՛չ թէ երկու սաժեն և երկու արշին է եղել, այլ երեք սաժեն և մի վերջօկ: Առանց շափի դիտելը և եզրակացնելը ուրեմն մոլորեցրեց այդ մարդուն, և նա տախտակը կարճ կտրելով, թէ տախտակը փչացրեց և թէ ժամանակը վատնեց: Այդպէս էլ իւրաքանչիւրը մեզանից պէտք է իր դիտողութիւնների և եզրակացութիւնների ժամանակ մի շափ ունենայ, որ նա մոլորութեան մէջ չ'ընկնի: Բայց մարդկային կեանքի սահմանը շատ մեծ է, նրա կարիքները բազմաթիւ են և բազմատեսակ: Մարդը, բացի դրանից, հասարակական էակ է, նա ունի պարտաւորութիւններ և իրաւունքներ, որոնց

մարդավայել հասկացողութիւնը և գործածութիւնը կախուած է նրա մտաւոր և բարոյական զարգացումից, որը նոյնպէս ճշմարիտ դիտողութեան և եզրակացութեան վերայ է հիմնուած: Ուրեմն ի՞նչպիսի մի շափ պիտի ունենայ մարդը կամ ի՞նչպիսի մի շափ պիտի տալ նրա ձեռքը, որ նրա դիտելու և եզրակացնելու ժամանակ, չը մոլորեցնի նրան, ազատ պահի նրան այս լայնածաւալ աշխարհի խաբուսիկ երևոյթներից:

Այդ շափը *ամուր և իմքերի վերայ դրուած աշխարհայեցողութիւնն է:*

Եթէ մի մարդ, մի այնպիսի աշխարհայեցողութիւն է ձեռք բերել, որը ազատ է մոլորութիւնից և նախապաշարմունքից, ապա նա կարող է ապահով լինել, որ դիտելու և եզրակացնելու ժամանակ հեռու կը լինի կեանքի այդ շափքներից:

Բայց ի՞նչպէս է ձեռք բերվում մի այդպիսի աշխարհայեցողութիւն:

Մրա միակ ճանապարհը *բնութեան ուսումնասիրութիւնն է*, այսինքն բնութեան *միջոց դիտողութիւնը* և դրանից հանած *ճշմարիտ եզրակացութիւնը*:

Վերոյիշեալից հետևում է, որ այնուամենայնիւ նախ և առաջ պէտք է անսխալ դիտել և եզրակացնել կարողանալ, որպէս զի կազմուած աշխարհայեցողութիւնն էլ հաստատ հիմքերի վե-

րայ զրուած լինի: Եւ մի այդպիսի եղանակով ձեռք բերած աշխարհայեցողութիւնը միայն կարող է, իր հերթում, մարդու մշտական և ճշմարիտ օգնականը լինել, նրա յետագայ դիտողութիւնների և եզրակացութիւնների ժամանակ:

Բայց այստեղ կարելի է հարց տալ: Եթէ մեր դիտողութիւնների և եզրակացութիւնների վերահսկող չափը պիտի լինի այնպիսի աշխարհայեցողութիւնը, որը զրուած է ամուր հիմքերի վերայ, և որը իր հերթում ձեռք է բերում դիտողութեամբ և եզրակացութեամբ, ապա ինչպէս պէտք է անել, որ մինչև աշխարհայեացքի կազմուելը — դիտողութիւնները և եզրակացութիւնները սխալ չը լինեն, որպէս զի կազմուած աշխարհայեցողութիւնն էլ սխալ չը լինի:

Այս դէպքում մեր միակ օգնականը հանդիսանում է *փորձը*.

Գիտելով մի որևէ երևոյթ, մենք պէտք է ձգտենք նրան փորձերով հաստատել, համոզուել և ապա հաւատալ նրա ճշմարտութեան:

Մէկը ինձ խորհուրդ է տալիս մի կալսելու մեքենայ ձեռք բերել, ասելով, որ նա օրական տասնեակ ջուալ ցորեն է մաքրում ծղօտներից: Ես հաւատալով խորհրդատուին, ձեռք եմ բերում մի հատ նրանից և տեսնում եմ, որ նա թէպէտ՝ յիրաւի՝ անհամեմատ աւելի ցորեն է կալսում, քան նահապետական եղանակով կատարուած կալ-

սելը, բայց նա յարդ չի շինում, որը անասունների համար շատ կարևոր է: Ուրեմն մեքենան անպէտք է ինձ համար:

Ի՞նչն էր պատճառը, որ ես այս եզրակացութեան եկայ:

Իհարկէ *փորձը*: Այդ փորձով ձեռք բերուած եզրակացութիւնը ուրեմն ինձ սովորեցրեց, որ անպայման կերպով չը պէտք է հաւատալ խորհրդատուին, այլ հարկաւոր է *տեղեկանալ*, արդեօք կալսող մեքենան կատարում է այն բոլոր պահանջները, որոնք անհրաժեշտ են կալսելու գործում:

Մենք ասացինք՝ «հարկաւոր է տեղեկանալ»: Ո՞րտեղից պէտք է նա տեղեկանալ: Իհարկէ իմացողներից, որոնք արդէն փորձել են կալսող մեքենայի կարողութիւնը, կամ ուրիշ խօսքով — անցեալում կատարուած փորձերից:

Այդպիսով մարդը կարող է օգտուել, ոչ թէ միայն կեանքի ներկայ փորձերից, այլ նա կարող է օգտուել նաև անցեալում կատարուած փորձերից: Եւ շատ անգամ այս վերջինը աւելի բեղմնաւոր է լինում, և մարդ ազատ է լինում մի շարք զանազան վնասներից: Օրինակ՝ եթէ վերոյիշեալ մարդը վաղօրօք տեղեակ լիներ կալսող մեքենայի կարողութեան, նա նրան ձեռք չէր բերել, իզուր տեղը չէր կորցնիլ դրամը և ժամանակը: Միւս կողմից, եթէ նա առիթ ունե-

նար մտածելու—արդեօք չի կարելի մի այնպիսի մեքենայ շինել, որը համ ցորենը կալսի, համ էլ անասունների համար յարդ շինի—ապա այդ բոլորը կը լինէր առանց վաղօրօք տուժելու:

Ճշմարիտ է, երբեմն հանգամանքները նախատեսնել չի լինում, և մենք որքան էլ զգոյշ լինենք մեր գործերի մէջ, այնուամենայնիւ երբեմն վնասվում ենք: Բայց դրանից, իհարկէ, չը պէտք է եզրակացնել, որ ուրեմն ճշմարիտ դիտողութիւնը և դրանից հանած անսխալ եզրակացութիւնը մեզ օգուտ չի բերում. այլ մենք շատ շատ իրաւունք ունենք ասելու, որ այնտեղ, ուր նախատեսնել չի լինում զանազան հանգամանքներ, դրա պատճառը մեծ մասամբ մեր տգիտութիւնն է և անզօր լինելը, այսինքն կամ մարդկային դիտակցութեան սահմանափակ ընդունակութիւնը, որ չի կարողանում պատճառների շարքին մինչև վերջը հետամուտ լինել, կամ բնութեան զանազան ոյժերին դիմադրել չը կարողանալը:

Այդպիսով մեր դիտողութիւնների և եզրակացութիւնների ճշմարիտ լինելը մենք պէտք է նախ փորձերով հաստատենք, կամ անցեալում կատարուած փորձերից օգտուենք, և այդպիսով հաւատանք նրանց ճշմարտութեան:

Մենք այստեղ գործածեցինք մի քանի անգամ «աշխարհայեցողութիւն» խօսքը: Նա շատե-

րին անշուշտ հասկանալի է, բայց կարելի է կան նաև չը հասկացողներ:

Աշխարհայեցողութիւն խօսքը կարելի է ուրիշ խօսքերով այսպէս ասել.—աշխարհի առարկաների, երևոյթների և կարգերի մասին մի յայտնի հայեացք ունենալ: Օրինակ՝ իմ աշխարհայեցողութիւնը ազգային խնդրի մասին կարող է այսպէս լինել, ձերը մի ուրիշ կերպ: Կրօնական հարցերի մասին մէկը կարող է այսպէս մտածել կամ այս ինչ հայեացքը ունենալ, դուք կարողէք ուրիշ կերպ մտածել կամ ուրիշ հայեացք ունենալ: Ապա աշխարհի մէջ կան բազմաթիւ կարգեր, երևոյթներ և այլն, որոնց մասին մէկը կարող է մի կարծիքի լինել, միւրը մի ուրիշ և այլն:

Կան այնպիսի երևոյթներ, որոնց մասին մարդիկ չեն կարող երկու տեսակ կարծիք կամ հայեացք ունենալ: Օրինակ՝ ոչ ոք չի կարող ասել որ կրակը սառն է, սառուցը տաք է, ջուրը հեղուկ չէ, քարը հեղուկ է, ծանր առարկաները դէպի վեր են ընկնում և այլն: Բայց կան երևոյթներ որոնց մասին կարելի է այս կամ այն հայեացքը ունենալ: Սրանց է պատկանում այնպիսի երևոյթները, որոնց մասին արուած դիտողութիւնները և եզրակացութիւնները կամ սխալ են արուել, կամ նրանք մատչելի չեն եղել մարդկային դիտողութեան: Առաջին դէպքում, այսինքն սխալ դիտողութեան և եզրակացութեան դէպ-

քում, սխալը կարելի է հեշտութեամբ ուղղել, եթէ մենք զուրկ չենք ջարհից, այսինքն փորձերի օգնութեամբ ձեռք բերած աշխարհայեցողութիւնից:

Մենք թէպէտ ասացինք, որ մի հաստատուն աշխարհայեցողութիւն կարելի է լինում ձեռք բերել բնութեան դիտողութեամբ և եզրակացութեամբ, և թէ նրանք պէտք է փորձերով հաստատուած լինեն, բայց անորոշ մնաց—ո՞րտեղից պէտք է սկսել դիտողութիւնը: Աշխարհում կան, ինչպէս ասացինք, բազմաթիւ երևոյթներ, կարգեր, բնական օրէնքներ, ապա հասարակական կարգեր, հասարակական բարեկեցութեան համար յօրինուած օրէնքներ և այլն և այլն: Ո՞քն է դրանցից աւելի հիմնաւորը և կատարելալը, որի վերայ ամենից առաջ ուղղուի մարդկային դիտողութիւնը: Ինչ խօսք, որ նրանք բոլորն էլ մարդկային կեանքի բարեկեցութեան ծառայող նիւթեր են, բոլորիցն էլ կարելի է օգտուել, և ուրեմն բոլորն էլ կարող են դիտողութեան նիւթ դառնալ:

Այդ այդպէս է:

Բայց չը պէտք է մոռանալ, որ ինչպէս ասացինք, կան երևոյթներ, որոնց մասին մարդ չի կարող երկու կարծիք ունենալ, որից հետևում է, որ այդպիսի դէպքերում չի կարող նաև մոլորութիւն կամ նախապաշարմունք տեղի ունենալ:

Այն մարդը, որը ուզում է մի հաստատ հիմքերի վերայ դրուած աշխարհայեացք ձեռք բերել, կասկած չկայ, որ պիտի սկսի իր դիտողութիւնները, փորձերը և եզրակացութիւնները բնութեան այնպիսի երևոյթներից, որոնք մոլորեցնելու յատկութիւններից հեռու են: Հակառակ դէպքում, այսինքն եթէ դիտողութիւնը կատարվում է նախ այնպիսի երևոյթների վերաբերմամբ, որոնց մասին մարդիկ զանազան կարծիքներ ունեն, որովհետև նրանք փորձով չեն հաստատուել, կամ անկարելի է եղել փորձ անել,—ապա այսպիսի երևոյթների մասին կատարուած սկզբնական դիտողութիւնը շատ հեշտութեամբ կը մոլորեցնի անփորձ դիտողին, և այսպիսով նա անկարող կը լինի մի հաստատուն աշխարհայեացք կազմել: Բայց եթէ նախ սկսել է նա իր դիտողութիւնները անվիճելի երևոյթների վերայ կատարել, ապա նա սրանով հետզհետէ ձեռք կը բերի ոչ թէ միայն մի հաստատ, մոլորութիւնից զուրկ աշխարհայեցողութիւն, այլ նաև ընդունակութիւն—քննադատական և զգոյշ աչքով նայել այնպիսի երևոյթների վերայ, որոնց մասին կարծիքները զանազան են, և ուրեմն ընդունակ են մարդկանց մոլորեցնելու:

Ուրեմն դիտողութեան սկզբնական սահմանն է այն բոլորը, որոնց թէ ներկայ և թէ անցեալ փորձերով կարելի է լինում հաստատել և այդպիսով մի ճշմարիտ եզրակացութեան հասնել:

Չատ անգամ, մարդկային դիտողութիւնների շարքում, հանդիպում ենք այնպիսի դիտողութիւնների, որոնք ըստ երևոյթին ոչ մի կապ չունեն հասարակական կամ անհատական կեանքի հետ: Այն ինչ նրանք ժամանակի ընթացքում ներգործելով, անուղղակի կերպով պատճառ են դառնում ժողովուրդների կեանքը կերպարանափոխելու:

Մի ժամանակ մարդիկ այն կարծիքի էին, որ մեր երկիրը գտնուում է տիեզերքի կենտրոնում: Կարծում էին որ արեգակի գոյութիւնը միմիայն երկրի համար է: Նա ստեղծուած է միայն երկրին լուսաւորելու և տաքացնելու համար, ասում էին մարդիկ: Լուսինը և աստղերը նոյնպէս մեր երկրին ծառայող լուսատու մարմիններ էին համարւում, որոնք շարժվում են երկնականամարի վերայ, ծագում են և մայր մտնում: Մարդիկ, բացի դրանից, կարծում էին որ բնութեան մէջ ամեն ինչ իրենց ծառայելու համար է ստեղծուած: Նոյն իսկ մեր օրերում մենք գուրկ չենք այդ մոլորութիւնից: Օրինակ մեր օրերում, շնորհիւ անցեալ սովորութիւնների, մենք վերին աստիճանի անգթաբար ենք վերաբերւում մեզ հետ՝ մի երկրում ապրող կենդանիների հետ: Բայց երբ պարզուեց, որ արեգակը և աստղերից շատերը անշարժ են, և թէ նրանց երևոյթական շարժումը առաջանում է մեր երկրի՝ արեգակի

շուրջը և իր առանցքի շուրջը պտտելուց, երբ յայտնուեց, որ մեր երկիրը արեգակի և շատ աստղերի մեծութեան հետ համեմատելով այնպէս է, ինչպէս մի խնձորը մեր երկրի մօտ, երբ յայտնուեց որ տիեզերքը իր տարածութեամբ մի յաւիտենական անասհամանութիւն է, — այն ժամանակ մեծամիտ մարդը զգաց, թէ ինչպէս ինքը մի աներևակայելի փոքրութիւն է տիեզերքի մէջ, թէ ինքը շատ էլ իրաւունք չունի մեծամիտ լինելու, ասելով — «ամենը ինձ համար է ստեղծուած»: Այսօր տեսնում ենք, որ մեր գիտակցութիւնը թելադրում է մեզ, որոչ ուշադրութիւն դարձնել մեզ հետ ապրող կենդանիների վիճակի վերայ: Հիմնւում են կենդանիներին հովանաւորող ընկերութիւններ, նոյն իսկ պարլամենտներում վիճաբանութեան նիւթ է դառնում նա և այլն:

Այդպիսով մենք տեսնում ենք, թէ ինչպէս մի՞ ըստ երևոյթին մեր կեանքի հետ անմիջապէս կապ չունեցող երևոյթ, ազդեցութիւն է անում և անուղղակի կերպով նպաստում է մեր մտքի և զգացումների կրթուելու գործում, որիցն էլ հենց կախուած է հասարակական բարեկեցիկ կեանքը:

Որպէս զի այդ հանգամանքը աւելի էլ պարզ լինի, բերենք մի օրինակ պատմութիւնից, որը ցոյց է տալիս մի կողմից, թէ ինչպէս նա ըստ երևոյթին շատ քիչ կապ ունի բուն կեանքի հետ,

միւս կողմից, թէ ինչպէս փորձերով չհաստատուած դիտողութիւնը և եզրակացութիւնը մոլորեցնում է մարդու, և թէ ինչպէս մի սխալ և անհաստատ աշխարհայեցողութիւն է կազմվում ժողովուրդի մէջ, որը տանում է նրան ուղղակի դէպի անբարոյականութիւն և կորուստ:

Յունաստանը մօտ վեց հարիւր տարի Քրիստոսից առաջ ունեցաւ մի մտածող, *Թալէս* անունով, որը դիտելով բնութեան մէջ մի շարք երևոյթներ, հեղաւ այն եզրակացութեան, որ մեր աշխարհը ջրիցն է առաջացել: Օրինակ՝ նա տեսնում էր, որ կենդանիները և բոյսերը իրանց մէջ թացութիւն են պարունակում: Մտնողը, որով աճում են կենդանիները, նոյնպէս թաց է: Սերմը, որից առաջանում է բոյսը, նոյն թացութիւնն է սլարունակում և այլն: Եւ ասա գալիս է այն եզրակացութեան, որ աշխարհը ջրիցն է առաջացել:

Մի ուրիշ՝ դրան յաջորդողը, որ *Անաքսիմանդէս* էր կոչվում, դիտում է նոյնպէս բնութիւնը, բայց ուրիշ եզրակացութեան է գալիս: Սա ասում է, որ թէպէտ աշխարհի գոյանալուն մի սկզբապատճառ կայ, բայց նա մարդկային հասկացողութիւնից բարձր է, նրան որոշել չի կարելի:

Յետոյ գալիս է մի ուրիշ մտածող (*Անաքսիմանդէս*), որի դիտողութիւնը բերում է այն եզրակացութեան, որ աշխարհը առաջ է եկել



օդի խտացումից: Օրինակ՝ նա կարծում էր, որ ջուրը օդի խտացումն է, որովհետեւ, ասում էր նա, ջուրը շոգի է դառնում և օդի մէջ կորչում... կամ կենդանիները օդ են շնչում և այլն:

Պիթագորոսին պատկանող մտածողները գալիս են այն եզրակացութեան, որ թուերն են աշխարհի սկզբնապատճառը...

Իսկ մի ուրիշը (*Քսենոֆոն*) եզրակացնում է, որ աշխարհի սկզբնապատճառը մի շճնուած էակ է, որ ամբողջապէս հասկացողութիւն է, տեսողութիւն է, լսողութիւն է և այլն:

Յետոյ գալիս է մի ուրիշը (*Պարմենիդէս*), որ եզրակացնում է, թէ աշխարհի գոյութիւնը և մտածութիւնը միևնոյն բաներն են, որը ոչ գոյացել է, ոչ բաժանւող է, ոչ էլ ժամանակ ունի և այլն:

Ապա մի ուրիշ դիտող (*Զևո*) ընդունում է, որ գոյութիւն չունի ոչ մեծութիւն, ոչ էլ շարժում: Առարկաները որ շարժվում են, նրանք մեզ միայն այդպէս թվում են. նրանք չեն շարժվում:

Սրան յաջորդ մտածող *Հերակլիտը* եզրակացնում է, որ ամեն ինչ կրակիցն է առաջացել, կրակով էլ ոչնչանում է...

Մի ուրիշը (*Էմպեդոկլէս*) ընդունում է, որ աշխարհի սկզբնապատճառը սէրն է և ատելութիւնը: Առաջինը ստեղծում է, երկրորդը քայքայում...

1002
5596

Յետոյ գալիս են Առօրհատները, որոնք ասում են, աստուածները գործ չունեն ստեղծագործութեան մէջ, ինչպէս ժողովուրդը ընդունում էր, այլ ամեն ինչ առաջանում է ինքն իրան, փորրիկ մասնիկներից, որոնց նրանք ատօմներ էին անուանում: Այդ ատօմները դասաւորվում են միմեանց մօտ և նրանցից առաջանում է թէ կենդանին, թէ բոյսը, թէ քարը և թէ բոլոր առարկաները:

Առօրհատներից յետոյ երևան է գալիս մի ուրիշ մտածող (Անսքասագորաս), որը գալիս է այն եզրակացութեան, թէ աշխարհի սկզբնապատճառը մի մտածող էակ է:

Մենք տեսնում ենք, որ այդ բոլոր աշխարհայեցողութիւններն էլ մարդկային բուն կեանքի հետ ըստ երևոյթին շատ քիչ կապ ունեն: Սակայն այդպէս մտածելը մի մեծ սխալ կը լինէր, որովհետեւ նրանք բոլորն էլ ազդեցութիւն արին հասարակական կամ անհատական մտածողութեան վերայ:

Քայց ինչ տեսակ ազդեցութիւն արին նրանք: Իհարկէ շփոթեցրին և մոլորեցրին մարդկանց մտքերը, որովհետեւ այդ աշխարհայեցողութիւնների ոչ մէկը չը կարողացաւ փորձերով հաստատուել և անհերքելի ճշմարտութիւն դառնալ: Իսկ դրա հետեանքը պէտք է շատ ցաւալի լինէր, որ յիրաւի էլ եղաւ:

Այդ բոլորի հետեանքը եղաւ սոփիստոսթեան ծնունդը: սոփիստները տեսնում են, որ մի ճշմարիտ աշխարհայեացք գոյութիւն չունի: Տեսնում են որ այդ աշխարհայեցողութիւնները լի են հակասութիւններով: Նրանք հետամուտ են լինում պատճառներին և գտնում են, որ հակասութիւնների պատճառը շրջապատող աշխարհն է: Այդ աշխարհը մէկին առիթ է տալիս մտածելու, որ ամեն ինչ ջրիցն է առաջանում, միւսը կարծում է՝ մի աներևոյթ էակ է պատճառը, մի երրորդին առիթ է տալիս եզրակացնելու, որ օդն է պատճառը, չորրորդին թվում է, որ թուերն են, հինգերորդը պնդում է, թէ ատօմներն են և այլն և այլն: Եւ անա սոփիստները գալիս են այն եզրակացութեան, որ աշխարհի միջոցով ոչ մի ճշմարտութեան չի կարելի հասնել, այլ ճշմարտութիւնը ամեն մի մարդ ինքը պիտի որոշի, այսինքն ամեն մի որոշում անհատական ոյժով պիտի լինի: Երևոյթը պիտի լինի այնպէս, ինչպէս նա անհատին երևում է: Ինձ կարող է այսպէս երևալ, քեզ մի ուրիշ կերպ, երրորդին մի ուրիշ և այլն. հենց ճշմարտութիւնն էլ դրա մէջն է. մի ընդհանուր ճշմարտութիւն գոյութիւն չունի...

Սոփիստները ապա սկսեցին տարածել իրենց ուսուցումը կամ վարդապետութիւնը ժողովուրդի մէջ: Այդ վարդապետութեան շնորհիւ

սկսեց հետզհետէ մարդկային կամայականութիւնը երևան դալ, ու պարտքի և իրաւունքի հասկացողութիւնները սկսեցին կամայականութեամբ շափուել: Բարքերը սկսեցին փշանալ. ժողովուրդը սկսեց անբարոյականանալ: Քաղաքիական և ընկերական կեանքը սկսեց դեկավարուել սոփեստների վարդապետութեամբ, ինչպէս վկայում է ժամանակակից փիլիսոփաներից մէկը— *Պլատոն*: Իսկ մեր ժամանակակից պատմագիրներից մէկը (*Չվեգշեր*), այսպէս է նկարագրում սոփեստութեան շրջանը: «Նոր լոյս ընկած այն հասկացողութիւնը, որ անհատական եսը կարող է ամեն ինչ կամայական կերպով որոշել, կազմում էր *սոփիստական* սկզբունքը: Այդ սկզբունքը երևան էր գալիս գործնական կեանքում, որպէս մի անզուսպ եսամոլութիւն, և տարածում էր իր իշխանութիւնը թէ պետութեան և թէ մասնաւոր կեանքի վերայ: Իւրաքանչիւրը գերադասում էր իր մասնաւոր շահերը ընդհանուր շահերից, ընդհանուր բարեկեցութիւնից: Մարդկային գործողութիւնների որոշող չափը կամայականութիւնն էր: Այդ ոգին երևան էր գալիս ատենաբանութիւնների մէջ, դատարանների մէջ, կուսակցութիւնների մէջ և այլն և այլն»։ Մի խօսքով, շնորհիւ անհաստատ աշխարհայեցողութեան, ժողովուրդը ժամանակի ընթացքում հետզհետէ ընկղմեց բարոյական ցեխի մէջ:

Եւ սակայն այսպիսի մի ցաւալի վախճան չէր ունենալ, եթէ *սոփիստական* առաջ այնպիսի փոփոխակի և անհաստատ աշխարհայեցողութիւններ չը լինէին: Գրեմք այնպիսի աշխարհայեցողութիւններ էին, որոնք կազմուել էին մեծ մասամբ սխալ դիտողութիւններից և եզրակացութիւններից, բայց որ գլխաւորն է, նրանցից ոչ մէկը չէր կարողացել փորձով հաստատուել:

Թալեսը ինչպիսի փորձ պիտի անէր, որ հաստատէր նրա հայեացքը, թէ ամեն ինչ յիրաւի ջրիցն է առաջացել: Եթէ օրինակ նա պնդում էր թէ սնունդի թաց լինելն է պատճառը, որ կենդանին աճում է, ապա կարելի էր հետեցնել, որ կենդանիները ուրեմն միայն ջուր խմելով կարող էին ապրել կամ աճել: Իսկ այդպիսի մի փորձը ցոյց կտար նրա հայեացքի սխալ լինելը, որովհետեւ կենդանին սնուելով միայն ջրով, չուտով կը մեռնէր: Միւս կողմից չէր կարելի հերքել, որ ջուրը սնունդի մի մասն է կազմում, որովհետեւ առանց ջրի ոչ մի կենդանի չէր կարող ապրել: Այսպիսով *Թալեսի* աշխարհայեացքի դէմ կարելի էր այն ժամանակ այս կամ այն աւարկութիւնը անել, առանց նրան հերքել կամ հաստատել կարողանալու, որ ասել է անորոշ թողնել:

Անարսիմուդները դիտելով, տեսնում է, որ ոչ մի երևոյթ ինքն իրան առանց պատճառի չի

առաջանում, բայց մարդկային սահմանափակ գիտակցութիւնը չը կարողանալով պատճառների ամբողջ շարքը գտնել, դալիս է այն եզրակացութեան, որ գոյութիւն ունէ մի անորոշ սկզբնապատճառ: Այստեղ արդէն անկարելի է որևէ փորձ անել, նա մնում է յիրաւի անորոշ: Իսկ անորոշութիւնը կարող է առհասարակ խելացի կեանքի ղեկավար լինել...

Չնկօճ ուրանում է որևէ մեծութիւն և շարժում: Արդեօք ինչպիսի փորձով պիտի հաստատէր նա իր հայեացքը, չէ որ առարկաների մէջ կայ մեծ և փոքր, չէ որ նրանցից շատերը անդադար շարժողութեան մէջ են: Այդպէս էլ միւսները...

Այդպէս ուրեմն, որպէս զի անփորձ զիտողը մոլորութեան մէջ չը ընկնի, պէտք է սկզբում զիտէ այնպիսի երևոյթներ, որոնք փորձերով հաստատուել կարողանան, և ապա հանել զրանցից եզրակացութիւններ, որոնք նոյնպէս փորձերով հաստատուել կարողանան, և այն ժամանակ միայն կազմել զրանցից մի հաստատուն հայեացք, կամ աշխարհայեացք:

Իսկ զիտողութեան այսպիսի առարկաներ և երևոյթներ ընութեան մէջ շատ կան բնագիտութեան մի մասը հենց սրանցով է զբաղուած: Մենք էլ պէտք է նրանց զիտողութեամբ սկսենք:

Բայց նախ քան զիտելն էլ, կարևոր է զիտենալ մի հանգամանք:

Կարող էինք արդեօք զիտել որևէ երևոյթ, եթէ մենք գոնէ առօրեայ կեանքից ձեռք բերած չը լինէինք որոշ փորձառութիւն կամ հայեացք: Ի հարկէ ոչ:

Առօրեայ կեանքը սակայն տալիս է մեզ ճշմարտի հետ միասին նաև սուտը, իսկականի հետ միասին նաև երևոյթականը: Կամ ուրիշ խօսքերով. առօրեայ հասարակ կեանքը տալիս է մեզ ուղիղ հասկացողութիւնների հետ միասին նաև շատ սխալ հասկացողութիւններ: Բայց կարող ենք արդեօք սխալ հասկացողութիւններով նախապատրաստուած լինել, և զրանցով զիտել ընութիւնը:

Ի հարկէ ոչ:

Ուրեմն նախ քան զիտելն էլ անհրաժեշտ է ազատուել մեր մէջ արդէն գոյութիւն ունեցող սխալ հասկացողութիւններից: Նոր և անփորձ զիտողը, որքան էլ ազատ լինի մոլորութիւնից և նախապաշարմունքից, այնուամենայնիւ համեմատաբար կարող է լինել. երիտասարդը, որը անորոշ և անհաստատ աշխարհայեցողութեան տակ է մեծացել, սուելի քիչ նախապաշարմունք և սխալ հասկացողութիւններ ունի, քան մի ծերունի, որը նոյն աշխարհայեցողութեան տակ է

անցրել իր կեանքը: Բայց նրանց երկուսի մէջ էլ գոյութիւն ունեն նրանք:

Այդ սխալ հասկացողութիւնները գոյացել են մեր մէջ դարձեալ շնորհիւ սխալ ըմբռնուած երևոյթներին: Մարդը օրինակ երեակայել է մի բան, որին ոչ մի տեղ չի տեսել, բայց և այնպէս «սատանայ» անունն է տուել: Ուրեմն երևոյթների սխալ հասկացողութիւնից ստեղծուել է մի գոյութիւն չունեցող առարկայ, որը ընդունակ է մոլորութիւնը շարունակել:

Մարդը, յետոյ, աշխարհի երևոյթների և առարկաների գիտակցելը «զգալ» բառով է արտայայտում: Դու եթէ տեսնում ես մի առարկայ, օրինակ մի ծառ, ապա ասումես, «ես զգում եմ, որ մի ծառ եմ տեսնում»: Այստեղ «զգալ» խօսքը թէ հիմնաւոր է և թէ ճշմարիտ: Բայց եթէ մէկը ասում է, թէ նա «զգում» է, որ մի «սատանայ» է տեսնում, այդ կը լինէր ի հարկէ անհիմն և սխալ:

Ուրեմն ամենից առաջ պէտք է ազատ լինել այսպիսի հասկացողութիւններից: Պէտք է՝ օրինակ՝ գիտենալ, թէ այս ինչ խօսքերից կամ ասացուածներից բաղկացած արտայայտութիւնը ճշմարիտ է թէ սխալ: Օրինակ՝ շատերը հաւատում են «ճակատագրին», որի հատուածներից մարդիք այնքան տուժեցին և դէս շարունակում են տուժել: Իսկ հաւատը դէպի ճակատագիրը հետեանք է

խաբուսիկ երևոյթների, իսկ խաբուսիկ երևոյթները ոչ այլ ինչ են, եթէ ոչ սխալ ըմբռնուած խօսքերից և ասացուածներից բաղկացած արտայայտութիւններ: Մենք պէտք է ուրեմն գրտենք ամենից առաջ մի շափ, որ մի անգամ ընդ միշտ որոշի, թէ ինչպիսի դէպքերում պէտք է, օրինակ՝ «զգացում» և «առարկայ» խօսքերը գործածել, կամ նրանց այնտեղ լինելը հիմնաւոր ընդունել, ուրիշ խօսքերով—ինչ է ինքը «զգացումը» կամ «առարկան», կամ սրանց նման մի շարք ուրիշ խօսքեր և ասացուածներ, որոնք նոյնպէս զանազան երևոյթներ կամ մտքեր են արտայայտում, օրինակ՝ «պատճառ», «ներգործութիւն», «ոյժ» և այլն և այլն:

Այս նպատակով տալիս ենք ընթերցողին, ամենից առաջ, հռչակաւոր բնագէտ Հիւքսլի «Առաջնորդ բնագիտութեան» զրբոյկից մի կտոր թարգմանութիւն:

1. ԶԳԱՑՈՒՄՆԵՐ ԵՒ ԱՌԱՐԿԱՆԵՐ:

Մենք մեր արթուն ժամանակ նշմարում ենք մեր զգայարանքների օգնութեամբ որևէ բան աշխարհի մէջ, որի մէջ մենք ապրում ենք, և որի մի մասն էլ մենք ենք կազմում: Մենք շարունակ գիտակցում ենք, որ մենք շօշափում ենք, լսում ենք կամ հոտ ենք առնում, տեսնում ենք, եթէ մթութեան մէջ չենք, համ ենք առնում, երբ ուտում կամ խմում ենք: Այս եղանակով ձեռք բերած գիտակցութիւնը անուանում ենք մենք զգացումներ:

Եթէ մենք այդ զգացումներից մէկը կամ միւսը ունենք, այն ժամանակ ասում ենք.—մենք շօշափում ենք, լսում ենք, հոտ ենք առնում, տեսնում ենք կամ համ ենք առնում: Մի ծանօթ հոտ առիթ է տալիս մեզ նկատելու, որ մենք, օրինակ, սոխի հոտ ենք առնում: Մի ծանօթ համ—որ մենք խնձորի համ ենք առնում, մի ծանօթ աղմուկ—որ մենք սայլի ձայն ենք լսում, մի յայտնի երևոյթ մեր առաջ—որ մենք մի ծառ

ենք տեսնում: Եւ այն, ինչ որ մենք մեր զգայարանքների օգնութեամբ նշմարում ենք—անուանում ենք մի բան կամ մի առարկայ:

2. ՊԱՏՃԱՌՆԵՐ ԵՒ ՆԵՐԳՈՐԾՈՒԹԻՒՆՆԵՐ:

Մենք յետոյ այս բոլոր բաների կամ առարկաների մասին ասում ենք, որ նրանք մեր յիշած զգացումների պատճառներն են, իսկ զգացումները այդ պատճառների ներգործութիւններն են: Օրինակ եթէ մենք մի ծանօթ աղմուկ ենք լսում, ասում ենք որ աղմուկը մօտով անցնող սայլի ներգործութիւնն է, կամ թէ աղմուկը մօտով անցնող սայլն է պատճառում: Եթէ մենք մի այլևոր բանի հոտ ենք առնում, ենթադրում ենք, որ այդ մի այլևոր առարկայի ներգործութիւնն է և նայում ենք երկիւղով մեր չորս կողմը—զբոնելու հոտի պատճառը: Եթէ մենք մի ծառ ենք տեսնում, ապա հաւատում ենք, որ գոյութիւն ունի մի բան կամ առարկայ, որը պատճառ է դառնում այդ երևոյթի մեր աչքերի առաջ երևալուն:

3. «ԻՆՉՈՒՆ» ԽՕՍՔԸ: ԻՆՉ Է ՆՇԱՆԱԿՈՒՄ «ԲԱՅԱՏԵԼ»:

Եթէ խօսքը վերաբերում է այլևոյ առարկային, մենք կամ ասում ենք — եթէ մենք յիրակի կրակ ենք գտել — հոտի պատճառը իմացանք, և կամ թէ ասում ենք, որ մենք գտանք այն *նիւթը*, որը ցոյց է տալիս, թէ *խնայ* էր այլևոյ բանի հոտ գալիս. ուրիշ խօսքով, մենք նրան *բացատրում* ենք: Այդպիսով, մի որևէ առարկայի կամ երևոյթի մասին տուած «ինչու» հարցը իմանալ կամ բացատրել, նշանակում է նրա պատճառը իմանալ: Բայց այն, որը մի որևէ բանի կամ երևոյթի պատճառ է, ներգործութիւն է մի ուրիշ բանի կամ երևոյթի: Օրինակ ընդունենք, որ այրուելու հոտը պատճառում է այլևոյ յարզը: Այն ժամանակ իսկոյն հարցնում ենք. ինչը եղաւ կրակ ընկնելու պատճառը: Գուցէ մենք գտնում ենք, որ մի վառած լուծկի է եղել ձգուած՝ յարզի մէջ: Այս դէպքում ասում ենք՝ մի վառած լուծկի է եղել կրակի պատճառը: Սակայն մի վառած լուծկի չէր կարող այնտեղ գտնուել, եթէ որևէ մէկի կողմից ձգուած չը լինէր: Այդ նշանակում է ուրեմն, որ լուծկիի գոյութիւնը մի ներգործու-

թիւն է, որ առաջ է բերել որևէ մէկը, որպէս պատճառ: Յետոյ մենք հարցնում ենք. ինչու այդ որևէ մէկը ձգեց այնտեղ լուծկի. արդեօք անուշադրութիւնից առաջացաւ, թէ դիտաւորութեամբ արեց: Եթէ այդ վերջինն է ճշմարիտը, ապա ինչն էր շարժառիթը կամ պատճառը, որ նրան առիթ տուեց կրակ ձգելու, կամ ինչը կարող էր արդարացնել մի այդպիսի շարժառիթ: Պարզ է, որ սրանց նման մի շարք հարցեր կարելի էր տալ, որոնք հետևում են մէկը միւսից:

Այդպիսով մենք հաւատում ենք, որ այդ բոլորը ներգործութիւն է նախընթաց պատճառի, որը իր հերթում դարձեալ ներգործութիւն է մի ուրիշ պատճառի, և այդպէս շարունակ — պատճառների և ներգործութիւնների մի շղթայ, որ այնքան է հեռու գնում, որքան մենք ցանկանում ենք նրան հետամուտ լինել:

Իւրաքանչիւր երևոյթ բացատրուած է համարվում, եթէ մենք նրա պատճառը գտնում ենք: Բացատրութիւնը վերջնական է համարվում (համեմատաբար), եթէ կարողանանք այդ պատճառի պատճառն էլ գտնել և քանի մենք պատճառների և ներգործութիւնների շղթային հետամուտ լինելու կարողութիւն ունենանք, այնքան էլ բաւականութիւն կը տայ մեզ բացատրութիւնը: Սակայն մի որևէ երևոյթի բացատրութիւնը չի կարող բոլորովին վերջնական լինել, որովհետև


մարդկային գիտակցութիւնը, նոյն իսկ ամենա-
աջող գէպքում, այնքան սահմանափակ է, որ նա
անկարող է հետամուտ լինել մինչև երկոյթների
սկիզբը:



4. ՅԱՏԿՈՒԹԻՒՆՆԵՐ ԵՒ ՈՅԺԵՐ:

Եթէ մի որևէ առարկայ միշտ մի առանձին
ներդրութիւն է առաջ բերում, կամ պատճա-
ռում, ապա մենք մի այդպիսի ներդրութիւն
անուանում ենք երբեմն մի *յատկութիւն*, եր-
բեմն էլ մի *ոյժ*, որ յատուկ է առարկային: Այս-
պէս օրինակ, սոխի հոտը նրա մի յատկութիւնն
է, որովհետև սոխը միշտ միևնոյն իրեն յատուկ
հոտն է պատճառում, եթէ մօտ է մեր հոտառու-
թեան: Արճիճը ծանրութեան յատկութիւն ունի,
որովհետև նա միշտ ծանրութեան զգացում է
պատճառում, երբ մենք առնում ենք նրան մեր
ձեռքը: Գետի հոսանքը ոյժ ունի ջրաղացի անիւը
շարժելու, որովհետև անիւի պտոյտի պատճառը
նա է, և մի թունաւոր օձ ոյժ ունի մի մարդ
սպանելու, որովհետև նրա խայթոցը մի մարդու
մահ կարող է պատճառել: Յատկութիւնները և

ոյժերը ուրեմն որոշ ներդրութիւններ են, որոնք
պատճառվում են առարկաներից և որոնց տիրա-
պետում են առարկաները:



5. ԱՐԷՆՍԱԿԱՆ ԵՒ ԲՆԱԿԱՆ ԱՌԱՐԿԱՆԵՐ: ԲՆՈՒԹԻՒՆ:

Մի մեծ թւով առարկաներ, որոնց մենք մեր
զգայարանների օգնութեամբ նշմարում ենք,
օրինակ տներ և տան կարասիք, կտուքեր և մե-
քենաներ—կոչվում են *արհեստակրան իրեր* կամ
առարկաներ, որովհետև նրանք մարդու հնարա-
գիտութեամբ և արուեստով են ձևաւորվում, կամ
ինչպէս մինչև անգամ ասվում է, մարդիկ են
նրանց շինում: Բայց կան և շատ իրեր, որոնք
մարդկային ձեռքի շնորհք չեն, և նրանք կը մնա-
յին ինչպէս կային, եթէ նոյն իսկ մարդիկ զո-
յութիւն չունենային: Այսպէս օրինակ՝ երկինքը
և ամպերը, արեգակը, լուսինը և աստղերը, ծովը
իր ժայռերով, քարոտ և աւազոտ ավերով, բլուր-
ները և հովիտները, ինչպէս և բոլոր վայրի կեն-
դանիները և բոյսերը: Այսպիսի իրերը կոչվում
են *բնական առարկաներ*, իսկ նրանց ամբող-
ջութիւնը կոչվում է *բնութիւն*:

6. ԱՐՀԵՏՍԱԿԱՆ, ԻՐԵՐԸ ԲՆԱԿԱՆ ԻՐԵՐ ԵՆ, ՈՐՈՆՔ ԶԵՒԱԿԵՐՊ-
ՈՒՆԵԼ ԵՆ ՄԱՐԻԿԱՆՑ ԶԵՌՔՈՎ, ՄԻՄԻԱՆՑ ԵՆ ԿՑՈՒՆԵԼ, ԿԱՄ
ԲԱԺԱՆՈՒՆԵԼ:

Թէպէտ այն տարբերութիւնը, որ մենք դնում ենք *բնութեան* և *արուեստի* մէջ, *բնական* և *արհեստական* առարկաների մէջ—չատ հեշտ է անվում, և վերին աստիճանի յարմար է, բայց մենք չը պիտի մոռանանք, որ բոլորը վերջ ի վերջոյ բնութեան շնորհն է, որ նոյն իսկ արհեստական իրերը, որոնց մենք սովորաբար մարդու ձեռքի արդիւնք ենք համարում, միմիայն բնական առարկաներ են, որոնց մարդը փոխել և ուրիշ ձև է տուել, և թէ մարդը չի կարող ոչինչ ստեղծել, այսինքն ոչինչ չի կարող արդիւնաւորել, որը առաջուց մի որևէ ձևի տակ գոյութիւն ունեցած չը լինի: Նաև չը պէտք է մոռանանք, որ եթէ մարդը բնական առարկաներ է ձևափոխում, միմիանց է կցում կամ բաժանում, ապա նա անում է այդ, նոյն այն ոյժերի օգնութեամբ, որոնք պատկանում են նաև բնական առարկաներին: Արհեստական իրերն են իսկապէս այն բոլորը, որին բնութեան մի մասը, որ մենք մարդկութիւն ենք անուանում, առաջ է բերել. ներգործելով մնացած մասերի վերայ:

Մենք խօսում ենք մի արկղ «պատրաստելու» մասին, որ շատ ուղիղ կը լինէր, եթէ մենք սրանով ասել ուզենայինք, որ մենք տախտակները ձևակերպել ենք և միմեանց մեխել: Բայց փայտը մի բնական առարկայ է, ինչպէս նաև մեխի երկաթը: Մի ժամացոյց «շինուած» է բնական առարկաներից—ոսկուց և ուրիշ մետաղներից, որոնց զանազան ձևեր է տրուած և միմիանց կցուած: Հանդերձի կտորները «պատրաստվում» են բնական առարկաներից—բրդից, բամբակից կամ մետաքսից, և մարդիկ, որոնք այդ բոլորը պատրաստում են, նոյնպէս բնական առարկաներ են:

Հիւսնը, որմնագիրը, կօշկակարը և բոլոր միւս արհեստաւորները և արուեստագէտները այնպիսի մարդիկ են, որոնք բնական որոշ առարկաների, ոյժերի և յատկութիւնների մասին, ինչպէս նաև որոշ պատճառների և ներգործութիւնների մասին այնքան տեղեկութիւն ունեն, որ ընդունակութիւն են ձեռք բերել բնական առարկաները միաւորել, ձևափոխել և մարդկանց համար պէտքական դարձնել:

Հիւսնը չէր կարող մի աթոռ «պատրաստել», ինչպէս սովոր ենք մենք ասել, եթէ նա փայտի յատկութեան և նրա ոյժի մասին տեղեկութիւն չունենար: Երկաթագործը չէր կարող մի պայտ չինել կամ «պատրաստել», եթէ չ'իմանար, որ


շիկացրած երկաթը կակուղ է լինում և թոյլ է տալիս հեշտութեամբ զանազան ձևի դարբնել: Ազիւսագործը պէտք է կաւի շատ յատկութիւնները հետ ծանօթ լինի, և մածուծանողը չէր կարող ոչ մի գործ շինել, եթէ նա չիմանար, որ կակղութիւնը և հեշտ ծեծուելը արձձին յատուկ է, և թէ նա չափաւոր տաքութեան տակ հալվում է: Այսպիսով՝ ամեն մի արհեստ գործագրելու համար անհրաժեշտ է ծանօթ լինել բնական պատճառների և ներգործութիւնների հետ: Արհեստների կատարելագործումը կախում է հենց նրանից, որ մենք աւելի և աւելի ծանօթ լինենք բնական առարկաների յատկութիւնների և ոյժերի հետ, ինչպէս նաև պատճառների և ներգործութիւնների յարաբերութեան հետ, որպէս զի գտնենք, թէ ինչպէս պէտք է անենք, որ առարկաների յատկութիւններից և ոյժերից օգտուենք, նրանց մէջ եղած պատճառների և ներգործութիւնների կապը մեր սեպհական օգդին ծառայեցնենք:



7. ԲՆՈՒԹԵԱՆ ՄԷՋ ՇԱՏ ԱՌԱՐԿԱՆԵՐ, ԻՆՉՊԷՍ ԵՒ ԱՏՆ ԿԱՊԸ, ՈՐ ԳՈՅՈՒԹԻՒՆ ՈՒՆԻ ՇԱՏ ՊԱՏՃԱՌՆԵՐԻ ԵՒ ՆԵՐԳՈՐԾՈՒԹԻՒՆՆԵՐԻ ՄԷՋ—ՄԱՐԴԿԱՅԻՆ ՆԵՐԳՈՐԾՈՒԹԵՍՆ ՍԱՀՄԱՆԻՅ ԳՈՒՐՍ ԵՆ ԳՏՆՎՈՒՄ:

Բնական առարկաների մէջ գտնվում են, ինչպէս մենք տեսանք, շատերը, որոնք մեր իշխանութեան տակն են գտնվում, որոնց մենք մեր օգտին կարող ենք ծառայեցնել: Սակայն բնութեան մէջ գոյութիւն ունեն և այնպիսի հսկայ իրեր և նրանց միաւորող պատճառներ և ներգործութիւններ, որոնց դէմ մենք ոչ մի ոյժ չունենք: Արեգակը ծագում է և մայր մտնում, լուսինը և աստղերը երկնքում շարժվում են շարունակ: Գեղեցիկ եղանակը և փոթորիկը, ցուրտը և տաքը յաջորդում են միմիանց: Ծովը շարժվում է կատաղի և լինում է հանդարտ, հայելու նման հարթ, նայած՝ փոթորկալի քամի է, թէ հանդարտ եղանակ: Անհամար բոյսեր և կենդանիներ ծնվում են, զարգանում են և ոչնչանում, և մենք ոչ մի ներգործութիւն չունենք բնութեան այդ երևոյթների վսեմ ընթացքի վերայ: Փոթորիկները և երկրաշարժը աւերում են երկիրներ, հրաբուխների ժայթքումները աւերակ են դարձնում ուրիշները. մի աջող տարի պարգևում է

առատութիւն և բարեկեցութիւն, այնինչ մի ուրիշ տեղ երկարատե երաշտը պատճառում է սով, հիւանդութիւններ: Այդ բոլոր դէպքերում մարդու անմիջապէս խառնուելը ոչ մի արդիւնք բերել չի կարող, և քանի նա դէռ սոգէտ է, բնութեան հսկայական ոյժերի գիմաց ներկայանում է ինչպէս մի խաղալու զնտակ:



8. ԲՆՈՒԹԵԱՆ ԿԱՐԳԸ: ՈՉ ՄԻ ԲԱՆ ՏԵՂԻ ՉԷ ՈՒՆԵՆՈՒՄ ԳԻՊՈՒԱԾՈՎ ԿԱՄ ՊՍՏԱՀԱԲԱՐ:

Մարդիկ երբ սկսեցին բնութիւնը ուշի ուշով գիտել, առաջինը, որ նրանք սովորեցին, էր այն, որ շատ իրողութիւններ տեղի են ունենում կանոնաւոր կարգով, և թէ որոշ պատճառներ, միշտ միեւնոյն ներգործութիւնն են առաջ բերում: Արեգակը ծագում է միշտ երկնքի մի կողմից և մայր մտնում միևս կողմից: Լուսնի փոփոխութիւնները հետևում են միմիանց միեւնոյն կերպով և կանոնաւոր ժամանակամիջոցներում: Յայտնի աստղեր երբէք մայր չեն մտնում նոյն հորիզոնի տակ, որտեղ մենք ապրում ենք: Տարուայ եղանակները կանոնաւոր են՝ աւելի կամ պակաս չափով: Զու-

րը միշտ հոսում է բարձրից դէպի ցած: Կրակը միշտ տաք է: Բոյսերը աճում են սերմերից և առաջ են բերում նոր սերմեր, որոնցից դարձեալ նոյն տեսակի բոյսեր են աճում: Կենդանիները ծնվում են, աճում են, հասնում են հասունութեան հասակին և մեռնում են, և այդ բոլորը տեղի է ունենում միեւնոյն ձևով—տարիների ընթացքում: Այդպիսով մարդը հետզհետէ գալիս էր այն եզրակացութեան, որ բնութեան մէջ գոյութիւն ունի մի կարգ, պատճառների և ներգործութիւնների մի մշտնջենաւորութիւն: Մի որևէ բան բացատրուած էր համարվում, եթէ կարելի էր լինում մի այդպիսի կարգ և կանոն ապացուցանել, այնինչ այնպիսի բաներ, որոնց անկարելի էր բացատրել՝ ասվում էր—նրանք *դիպոսաժակաճ* են, կամ պատահաբար են առաջ եկել: Սակայն քանի ուշի ուշով հետախուզուեց բնութիւնը, այնքան էլ պարզուեց, որ կարգը նախիշխող է, և երևոյթական անկարգութիւնը յայտնուեց մի զժուար ըմբռնելի կարգ: Մեր օրերում ոչ ոք այնքան յիմար չէ, որ հաւատայ, թէ մի որևէ բան գիպուածով է պատահում, կամ թէ յիրաւի՝ գոյութիւն ունի գիպուած, այսինքն իրողութիւն, որ չունենայ պատճառ: Եթէ մենք ասում ենք, որ մի բան տեղի է ունենում գիպուածով, ապա իւրաքանչիւրը կը համաձայնուի, որ մենք դրանով միայն ասել ենք ուզում,

Թէ մենք չը գիտենք այն պատճառը, կամ հիւ-
քը, թէ ինչու է այդ իրողութիւնը տեղի ունե-
նում: Գիպուած կամ պատահական խօսքերը
ցուցմունքներ են մեր տղիտութեան, միայն ու-
րիշ խօսքերով արտայայտուած:

Այս ըոպէին, երբ ես պատահանից գուրս եմ
նայում, անձրևում է և սաստիկ փոթորիկ է: Ծա-
ռերի ճիւղերը կատաղի շարժվում են այս և այն
կողմը: Կարող է պատահել, որ մի մարդ այս
ծառերի մէկի տակ ապաստան է գտել: Գուցէ
հետևում է մի՝ սուելի ուժգին քամու գարկ, քան
սովորականը, և կտտրվելով մի ճիւղ, ընկնում է
այդ մարդու վերայ և վտանգաւոր վիրաւորում:
Այդ իրողութիւնը կը կոչուէր երևի «գիպուածա-
կան». այդ մարդը գուցէ կասէր. նա գուրս գնաց
«գիպուածով», ծառի տակ ապաստան փնտռեց
«գիպուածով» և տեղի ունեցաւ «գիպուած»: Այս
իրողութեան մէջ սակայն չը կայ ոչինչ գիպու-
ածական: Փոթորիկը ներգործութիւն է պատճառ-
ների, որոնք գուցէ հարիւրաւոր մղոն հեռաւո-
րութիւնից ներգործում են մթնլորդի վերայ: Մի
տերևի իւրաքանչիւր շարժումը հետևանք է մե-
քենական ոյժի, որ պատճառում է քամին, ներ-
գործելով նրա մակերևոյթի վերայ: Եթէ ճիւղը
կտտրվում է, ապա այդ լինում է այն կապի շնոր-
հիւ, որ գոյութիւն ունէ նրա ոյժի և քամու
սաստկութեան մէջ: Իսկ մարդու ծառի տակ գըտ-

նուելը պատճառների և ներգործութիւնների շղ-
թայի վերջին օղն է, որ բնական կարգով մի-
մեանց հետևել են:

Նրա սկզբնաւորութիւնն էր մի պատճառի
ներգործութիւնը, և ինքը իր հերթում ներգոր-
ծեց, որ ծառի տակ ապաստան փնտռեց:

Բայց քանի որ մենք բաւականաչափ գիտուն
չենք, այդ՝ պատճառների և ներգործութիւնների
բարդ հետևանքը, որ ճիւղի անկումը մարդու
վերայ առաջ բերեց, — անուանում ենք գիպու-
ածական:



9. ԲՆԱԿԱՆ ՕՐԷՆՔՆԵՐ: ՕՐԷՆՔՆԵՐԸ ՊԱՏՃԱՌՆԵՐ ԶԵՆ:

Եթէ մենք կրկնած և ուշի ուշով գիտո-
լութեամբ այն համոզմունքն ենք ձեռք բերել,
որ մի բան միշտ պատճառ է մի որոշ ներգոր-
ծութեան, կամ թէ որոշ իրողութիւնները միշտ
միևնոյն կարգով են տեղի ունենում, ապա մենք
մի այդպիսի եղանակով գտած ճշմարտութիւնը
անուանում ենք *բնական օրէնք*: Այսպէս օրինակ՝
մի բնական օրէնք է, որ իւրաքանչիւր ծանր
առարկայ դէպի երկիրն է ընկնում, եթէ նա յե-

նարան չունի: Մի բնական օրէնք է, որ արճիճը իր սովորական դրութեան մէջ միշտ կակուղ է և ծանր, այնինչ կայծքարը կարծր և կտարուղ է, որովհետև փորձը սովորեցնում է, որ ծանր առարկաները առանց յեռարանի միշտ դէպի երկիրն են ընկնում, որ արճիճը իր սովորական դրութեան մէջ կակուղ և կայծքարը միշտ կարծր է:

Մենք կարող ենք յիրաւի՝ բոլորը, որ մենք բնական առարկաների ոյժերի և յատկութիւնների ու բնական կարգերի մասին գիտենք—բնական օրէնքներ անուանել: Բայց ցանկալի է չը մոռանալ, որ բնական օրէնքները բնական կարգերի պատճառները չեն, այլ մենք այդ օրէնքներով արտայայտում ենք միայն այն, ինչ որ մենք այդ կարգերի մասին փորձով գտել ենք: Քարերը ընկնում են դէպի գետին ոչ թէ շուրհիւ վերոյիշեալ օրէնքի, ինչպէս շատ անգամ ասվում է, առանց մտածելու, այլ այդ օրէնքը արտայայտութիւն է մի փաստի, որը անխուսափելի հետևում է, հենց որ ծանր առարկաները երկրի մակերևոյթի վերայ ազատ շարժուել են կարողանում:

Բնական օրէնքները իրենց այդ յարաբերութեամբ նմանվում են այն օրէնքներին, որոնց մարդիկ սովոր են յօրինել իրենց փոխադարձ յարաբերութիւնների կարգի մասին, որպէս օրէնքներ կամ կանոններ: Դոյութիւն ունեն օրէնքներ

վճարելու մասին, հարկերի մասին, օրէնքներ՝ գողութեան և սպանութեան դէմ: Օրէնքը սակայն ոչ նրա պատճառն է, որ մի մարդ իր հարկը վճարում է, ոչ էլ նրա պատճառը, որ նա չի գողանում կամ սպանում: Օրէնքը պարզապէս հաստատում է, թէ ինչ պիտի պատահի մի մարդու հետ, եթէ նա իր հարկերը չը վճարի, կամ գողութիւն անի, կամ թէ սպանութիւն գործի: Պատճառը, որ նա իր հարկերը վճարում է, կամ եղեռնագործութիւնից հեռու է կենում, այն է (եթէ չը կայ մի ազնիւ դրդում), որ երկիւղ է կրում հետևանքից, իսկ երկիւղը ներգործութիւն է նրա հաւատի, որ նա ունի այդ օրէնքի որոշման մասին: Մարդկային մի օրէնք ասում է մեզ, թէ ինչ կանէ մարդկային հասարակութիւնը յայտնի հանգամանքների ներքոյ. այնինչ մի բնական օրէնք մեզ ասում է, թէ ինչ կանէին բնական առարկաները յայտնի հանգամանքների ներքոյ: Իւրաքանչիւրը դրանցից դիմելով մեր հասկացողութեան, սովորեցնում է մեզ, և չը նայած, որ նա մեր հասկացողութեան վերայ ներգործում է, մի սոսկ ձայն է կամ տառ:

Բայց որքան էլ մարդկային օրէնքների և բնական օրէնքների մէջ նմանութիւն լինեն, անկարելի է չը տեսնել նրանց մէջ էական զանազանութիւն: Մարդկային օրէնքը ուղղում է իր հրամանները ըզձայող էակին, որը կարող է նրան

հակառակել կամ հետևել, նայած որն է նրան շահաւէտ, և օրէնքը չի դառնալ ոչինչ կամ զրօ, եթէ նա խախտուի: Բնական օրէնքները, ընդհակառակը, հրամաններ չեն, այլ հաստատումներ, որոնք վերաբերում են բնութեան անփոփոխելի կարգին: Բնական օրէնքի եղծման կամ բարձման մասին խօսելը՝ անմտութիւն կը լինէր: Բոլորը, ինչ որ մենք սրանով ասել ուզենայինք, կը լինէր այն, որ որոշ հանգամանքների ներքոյ, օրէնքի՝ իր մէջ բովանդակած հաստատութիւնը ճշմարիտ չէ: որից հետևում է այն ուղիղ եզրակացութիւնը, որ ո՛չ թէ բնութեան կարգն է ընդհատուած, այլ թէ մենք, այդ կարգը ապացուցանելու ժամանակ մի սխալ ենք գործել: Բնական, ճշմարիտ օրէնքը մի ընդհանուր կանոն է, որ երբէք չի ենթարկվում բացառութիւններին:

Մարդկային օրէնքները մարդկային հասարակութիւնից զուրս ոչինչ նշանակութիւն չունեն: Բնութեան օրէնքները արտայայտութիւն են բնութեան ընդհանուր ընթացքի, որի մի շատ աննշան մասն է կազմում մարդկային հասարակութիւնը:

10. ԲՆՈՒԹԵԱՆ ԾԱՆՕԹՈՒԹԻՒՆԸ ԱՌԱՋՆՈՐԴ Է ՆՊԱՏԱԿԱՅԱՐՄԱՐ ՎԵՐԱԲԵՐՈՒԹԵԱՆ:

Եթէ ոչինչ զիպուածով չի պատահում, այլ ամեն ինչ բնութեան մէջ որոշ կարգի է հետևում, և եթէ բնութեան օրէնքները պարզ կերպով արտայայտում են այն, ինչ որ մենք բնութեան կարգի մասին փորձով գտել ենք, ապա մեզ համար շատ կարևոր է ծանօթանալ՝ որքան կարելի է՝ բազմաթիւ բնական օրէնքների հետ, որպէս զի մեր վերաբերութիւններին նրանց համեմատ ուղղութիւն տանք:

Իւրաքանչիւր մարդ, որ փորձել ուզենար մի երկրում ապրել, որի օրէնքների հետ ծանօթ չէ, չուտով անախորժութիւնների պիտի ենթարկուէր, և եթէ նա պատժուէր, գերի բռնուէր, մինչև անգամ մահուան դատապարտուէր, ապա խոհեմ մարդիկը հաւանական է կասէին—նա ինքը ենթարկեց իրան այդ վիճակին, իր անխոհեմութեան պատճառով:

Այդպէս էլ իւրաքանչիւրը, որ փորձում է մեր երկրի վերայ ապրել, առանց ուշադրութիւն դարձնելու բնական օրէնքների վերայ,—չառ կարճ ժամանակ կը ապրի, որի մեծ մասն էլ

անանդորր կը անցնի, որովհետև բնական օրէնքի մարդկային օրէնքից տարբերվելու յատկանիշներից մէկն էլ այն է, որ առաջինը տեղի է ունենում ինքնակոշ և առանց գանգատի: Յիրաւի, ոչ ոք չէր կարող մինչև անգամ կէս օր ապրել, եթէ նա ուշադրութիւն չը դարձնէր զոնէ մի քանի բնական օրէնքների վերայ: Եւ հազարաւոր մարդիկ մեռնում են, կամ վարում են մի թշուառ կեանք, որովհետև նրանք բաւականաչափ եռանդով չեն ստումնասիրել բնութեան գիրքը:

Մենք արդէն տեսանք, որ բոլոր՝ արհեստի և գեղարուեստի գործածութիւնը կախուած է բնական առարկաների յատկութիւնների հետ ծանօթ լինելուց, որ մենք իւրացնում ենք և մշակում: Եթէ մենք զուրկ ենք հնարաւորութիւնից, անմիջապէս ներգործութիւն ունենալ բնական հսկայական առարկաների վերայ, ընդհանուր պատճառների և ներգործութիւնների վերայ, սրանց հետեանքների վերայ, բայց և այնպէս կարող ենք խուսափել այն բոլորից, որը մեզ վնասել կարող էր, և օգտուել նրանից, որը մեզ օգուտ է բերում, եթէ միայն ոյժերի և յատկութիւնների մասին, իրողութիւնների սովորական ընթացքի մասին տեղեկութիւն ունենք:

Այսպէս օրինակ՝ մարդը կարող է— թէպէտ նա տարուայ հղանակների ընթացքի վերայ, բոյսերի աճման վերայ ազդեցութիւն չունի— ծա-

նօթ լինել բնութեան կարգի հետ և նրա համեմատ ընթացք տալ սերմելու և հնձելու գործը: Նա չէ կարող առիթ լինել քամիին փչելու, բայց երբ նա փչում է, կարող է նրա ծանօթ ոյժերից և յայտնի ուղղութիւնից նաւարկութեան համար կամ հողմաղացի համար օգուտ քաղել: Նա չի կարող կայծակի առաջանալուն դիմադրել, բայց կարող է՝ շանթարգելի շնորհիւ անվնաս դաձնել, որի շինելը պահանջում է ծանօթ լինել էլեքտրական մի քանի օրէնքների հետ, որոնցից մէկն էլ կայծակն է: Պատրաստ լինել, նշանակում է տեղեակ լինել, իսկ բնութեան օրէնքներին տեղեակ լինել, նշանակում է այն բոլորի համար պատրաստ լինել, որտեղից երևոյթը սպասելի է, եթէ մենք գործ ունենք բնական առարկաների հետ:

11. ԲՆԱԿԱՆ ԳԻՏՈՒԹԻՒՆՆԵՐԸ ՌԻՐԻՇ ԲԱՆ ՉԵՆ, ԵԹԷ ՈՉ ԲՆԱԿԱՆ ՊՍՏՃԱՌՆԵՐԻ ՀԱՍԿԱՅՈՂՈՒԹԻՒՆԸ, ՈՐ ՉԵՌՔ Է ԲԵՐՎՈՒՄ ԴԻՏՈՂՈՒԹԵԱՄԲ, ՓՈՐՉՈՎ ԵՒ ԵԶՐԱԿԱՅՈՒԹԵԱՄԲ:

Ոչ կարելի է մի սահման զննել իրերի սովորական հասկացողութեան և զիտնական հասկացողութեան մէջ, ոչ էլ կարելի է սովորական

մտածման և գիտնական մտածման մէջ մի սահման զնել: Բոլոր հասկացողութիւնները իսկապէս գիտութիւններ են, և ճիշտ եզրակացութիւնները—գիտնական եզրակացութիւններ: Գիտութիւններն և փորձերն մեթօղը, որի շնորհիւ գիտութեան մէջ մեծ հետեանքներ է ձեռք բերուել, բոլորովին միեւնոյնն է, որ ամեն օր իւրաքանչիւր մարդ գործագրում է, միայն թէ նա աւելի կատարելագործուած է և ճիշտ: Եթէ մի երեխայ խաղալիք է ստանում, նա գիտում է նրա յատկութիւնները և նրանով փորձեր է անում: Այդպէս էլ մենք շարունակ գիտողութիւններ և փորձեր ենք անում, մի կամ միւս աւարկայի վերայ:

Նրանք, որոնք երբէք չեն փորձել ուշադրութեամբ գիտել, ի զարմանս իրանց կը գտնեն, որ այդ մի ծանր խնդիր է: Հարիւր մարդկանց մէջ մէկը հազիւ թէ լինի, որը սովորական իրողութիւնը, թէ կուզ մօտաւոր ճշտութեամբ, նկարագրել կարողանայ: Նա կամ մի բան աչքաթող կանի, որ յիշուի տեղի է ունեցել և կարևոր է, կամ մի իրողութիւն կը հնարի և կը աւելացնի, որը իսկապէս չի գիտել, բայց որը անգիտակցաբար ընդունում է, թէ նա կատարուած պիտի լինի: Եթէ պատահում է, որ զատարնում երկու ճշմարտախօս վկաներ միմեանց հակասում են, ապա սովորաբար բանից դուրս է գալիս, որ

մէկը կամ միւսը, բայց գուցէ երկուսն էլ, իրենց եզրակացութիւնները հանել են նրանից, ինչ որ նրանք տեսնել են կարծել, բայց ոչ նրանից, որը իսկապէս տեսել են: Ան երդվում է, որ Բ-ն իր գրպանից մի բան է գողացել: Գուրս է գալիս, որ Ա-ն Բ-ին նկատեց իրենից անմիջապէս մօտում, երբ նա մի ձեռք իր գրպանում զգաց, և թէ՛ ոչ թէ Բ-ն էր գողը, այլ Գ-ն, որին Ա-ն ամենևին էլ չի տեսել: Անվարժ գիտողները շփոթում են այն, ինչ որ նրանք տեսնել են կարծել, նրա հետ, ինչոր յիշուի տեսել են: Այդ շփոթումը լինում է աչքի ընկնելու շափ, և մինչև անգամ փորձուածները և ուշադիր գիտողներն էլ շարունակ վտանգի են ենթարկվում՝ նոյն տեսակ սխալների մէջ ընկնել: Գիտնական գիտողութիւնը այն է, որը թէ՛ ճիշտ և թէ՛ հիմնաւոր է, և թէ՛ ազատ անգիտակից եզրակացութիւնից:

Փորձերը այն բոլորի գիտողութիւններն են, որոնք տեղի են ունենում, եթէ մենք գիտմամբ միաւորում ենք բնական աւարկաները, բաժանում ենք, կամ որևէ կերպով փոփոխում այն պայմանները, որոնց մէջ նրանք գոյութիւն ունեն: Ուրեմն մի գիտնական փորձ այն գիտնական գիտողութիւնն է, որ անվում է արհեստական և մեզ կատարելապէս ծանօթ պայմանների ներքոյ:

Որ ջուրը երբեմն սառչում է, այդ մի շատ սովորական գիտողութիւն է: Այդ գիտողութիւ-

նը կը լինի գիտնական, եթէ մենք ապացուցենք, թէ ինչպիսի պայմանների ներքոյ է ջուրը սառուցի փոխարկվում: Ամենահասարակ փորձերը ցոյց են տալիս, որ փայտը ջրի վերայ լողում է: Գիտնական փորձը ապացուցանում է, որ փայտը, երբ լողում է, իր ծանրութեան կշռին հաւասար ջուր է տեղհան անում:

Գիտնական եզրակացութիւնը տարբերվում է սովորական մտածողութիւնից ուղիղ այնպէս, ինչպէս գիտնական գիտողութիւնը և փորձը տարբերվում է սովորական գիտողութիւնից և փորձից: Գիտնական եզրակացութիւնը ձրգտում է դէպի ճշտութիւնը, և ճշտութեամբ եզրակացնելը նոյնքան դժուար է, որքան ճշտութեամբ գիտելը:

Գիտնական եզրակացութեան ժամանակ առանձին առանձին դէպքերը գիտողութեան են ենթարկվում, ժողովվում են ընդհանուր կանոնները, և եթէ այդ կանոնները ապացուցվում են ապա, ինչպէս հենց առօրեայ կեանքում, եզրակացութիւններ են հանվում նրանցից: Եթէ մի երեխայ ասում է թէ ընկոյզը պինդ է, որը նա տեսել և կծել է, ապա նա զրանից ընդհանուր եզրակացութիւն է հանել ընկոյզի մասին, և մի այնպիսի ձևով է մտածել, որ արուեստական արտայայտութեամբ, ինքնակցութիւն կարելի է ասել: Եթէ նա այլևս չի փորձում ընկոյզը կծել, ապա

սրա պատճառը այն է որ նա, գիտակից թէ անգիտակից, մտածելու հակառակ ձևն է գործադրել, որ կոչվում է *դեդուկցիոն*, այսինքն, նա ընդհանուր այն կանոնից, որ ընկոյզը իր պնդութեան պատճառով կծել չի լինում, մի եզրակացութիւն է հանել:

Մտածելու և եզրակացնելու գործողութիւնների մասին հիմնաւորապէս ուսուցանում է տրամաբանութիւնը, կամ *լոգիկան*: Առայժմ բաւական է, եթէ մենք իմանանք, որ բնական օրէնքները բնական առարկաների սակարկող կանոններ են, որոնք ժողովվել են անթիւ գիտողութիւններով և փորձերով: Կամ ուրիշ խօսքերով, նրանք այդ գիտողութիւնների և փորձերի ինդուկցիօններն են:

Գործնական և տեսական գիտութեան արդիւնքները արգասիք են դեղուկտիւ եղանակով մտածելու, ընդհանուր կանոնների մասին:

Այդպիսով գիտութիւնը և բնական (սովորական) հասկացողութիւնները միմեանց չեն հակասում, ինչպէս երբեմն ընդունվում է, այլ գիտութիւնը կատարելագործուած բնական հասկացողութիւնն է: Գիտնական եզրակացութիւնը ուրիշ բան չէ, եթէ ոչ հասարակ, բայց ուշի ուշով կատարուած սովորական եզրակացութիւնը: Եւ սովորական գիտակցութիւնը դառնում է, շնորհիւ աւելի և աւելի կատարելագործութեան — գիտնական գիտակցութիւն:

Սովորական գիտակցութիւնը ուրեմն մի ճանապարհ է դէպի գիտութիւնը: Մենք պէտք է այդ գիտակցութիւնը մանրակրկիտ գիտողութեամբ և փորձերով ընդլայնենք և սովորենք՝ մեր հետազօտութիւնների արդիւնքները արտայայտել ընդհանուր կանոններով, կամ բնական օրէնքներով: Վերջապէս մենք պէտք է սովորենք, այդ կանոններից պարզ եզրակացութիւններ հանել, և այդպիսով բնական երևոյթների խելացի բացատրութիւններին հասնել, որոնք բաւական համարուէին առաջնորդելու մեզ կեանքի մէջ:

24 եր. ներկւից երորդ տղ սպուսւմ է հասուածներից:
Պէտք է կարդալ հաւուսածներից:



ԳԻՆՆ Է 20 ԿՈՊԵԿ.

Հասցե.— Քաղու, Եղր. Թառայեանի դրափաճա-
ռանոցը—Ս. Ս-ին:

ՀՀ Ազգային գրադարան



NL0249942

188

5
4-11